

# 1. UVOD

## 1.1. Problem i predmet istraživanja

Finansijski izvještaji pružaju informacije o finansijskom položaju, uspješnosti, promjenama na kapitalu i novčanim tokovima jedne kompanije i predstavljaju vremensku i funkcionalnu cjelinu poslovnih procesa koji se odvijaju u jednoj kompaniji, i kao takvi predstavljaju osnovu fundamentalne analize koja pomaže menadžerima pri strateškom odlučivanju. Postoji set finansijskih izvještaja koji uključuje sljedeće izvještaje: bilans stanja, bilans uspjeha, izvještaj o tokovima gotovine, izvještaj o promjenama na kapitalu i bilješke ili note uz finansijske izvještaje. Danas, bilansi se koriste u mnogobrojne svrhe, ali prvenstveno da bi se iskazala privredna aktivnost jednog preduzeća i njegov finansijski potencijal. Informacije koje dobijemo na osnovu finansijskih izvještaja nisu sveobuhvatne i zbog toga uvodimo finansijske pokazatelje koji nam pomažu da realnije sagledamo sliku i stanje preduzeća. Na osnovu takvih pokazatelja pronalazimo rješenja za adekvatno, strateško odlučivanje.